

Preporuke za sezonu grijanja

Dolaskom hladnijih dana i nižih temperatura započinje sezona grijanja stambenih i poslovnih što povećava opasnost od izbijanja požara.

Služba civilne zaštite upozorava sugrađane na poduzimanje preventivnih mjera zaštite od požara, prvenstveno na redovno čišćenje dimovodnih kanala koje se izvodi u svrhu izbjegavanja nastanka požara, ali i trovanja ugljen monoksidom (CO).

Kako bi dimnjak ispravno vršio svoju funkciju i ne bi predstavljao sigurnosnu prijetnju za svoje korisnike upozoravamo građane da je

- **Redovno čišćenje dimnjaka neophodno.**

- usljed neredovnog čišćenja dimovodnog kanala taloži se čađ na stjenke dimnjaka i čađ se može zapaliti. Ukoliko dimnjaci nisu pravilno i kvalitetno izgrađeni požar se može prenijeti na drvenu konstrukciju krovišta objekta. Ukoliko se čađ u dimnjaku zapali ne ulijevajte vodu u dimnjak jer može doći do eksplozije vodene pare, ili pucanja stijenki. Kada čađ izgori i dimnjak se ohladi, može se obaviti čišćenje.

- **Potrebno je ukloniti sav zapaljivi materijal u neposrednoj blizini dimnjaka.**

- posebno na tavanskim prostorijama koje često znaju biti zakrčene zapaljivim materijalima neposredno uz dimnjake (kartonske kutije, drveni predmeti i sl.)
- u blizini peći koje isijavaju toplinu ne smiju se držati zapaljive tvari i takve peći se obavezno moraju povremeno nadzirati.
- prilikom loženja peći na čvrsta goriva (ugalj, drvo) ne smiju se koristiti zapaljive tečnosti za lakše paljenje niti improvizirani dimovodi, a zapaljive tvari potrebno je koristiti na ispravan način.
- ostatke od gorenja kao što je pepeo i žar ne odlagati u posude izrađene od zapaljivih materijala, ili ako se odlažu na otvorenom prostoru potrebno je dobro provjeriti što se u blizini nalazi kako ne bi došlo do požara.
- očišćeni pepeo može izazvati požar i nakon 24 sata stoga nemojte bacati vrući pepeo u kontejnere za smeće.

Pokazatelji da je došlo do požara dimnjaka:

- karakterističan zvuk koji dolazi iz dimnjaka poput glasnog huktanja ili pucketanja u dimnjaku
- jako zagrijani zidovi kojima je ozidan dimovodni kanal. Ponekad mogu biti tako vrući da mogu izazvati opekotine prilikom dodira
- let iskri iz grla dimnjaka ili čak plamen iz dimnjaka
- karakterističan miris paleži i zadimljene prostorije stana

U slučaju izbijanja požara, potrebno je da odmah o tome obavijeste:

- **vatrogasce na telefonski broj 123, policiju na telefonski broj 122 ili Kantonalni operativni centar civilne zaštite na telefonski broj 121**
- **susjedne stanare, jer je mogućnost nastanka otrovnog plina ugljen –monoksida izuzetno velika.**
- ukoliko je u prostoriji dim, ne ulazite u tu prostoriju.
- ukoliko sumnjate na požar dimnjaka ne nastavljajte loženje, već prigušite vatru.
- **požar u dimnjaku NIKADA ne gasite vodom**
- uklonite sve zapaljive predmete u blizini dimnjaka
- vatrogascima omogućite pristup u stanove
- nakon požara dimnjaka kontrolišite temp. spoljašnjeg zida dimnjaka još 2, 3 sata
- nakon požara dimnjaka ovlaštenu dimnjačar mora pregledati dimnjak jer postoji vjerovatnoća da požar ošteti dimnjak.

Apelujemo na sve građane da izvrše preventivno čišćenje dimovodnih kanala u svojim domovima i poslovnim objektima, jer će tako smanjiti mogućnost izbijanja požara, a samim tim izbjeći ljudske povrede i žrtve te velike materijalne štete.